


3

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
AUG 25 1955

T 2 5 1 2 / 7 1 3 6



世史正綱卷五
漢世史

孝昭皇帝始元元年

漢昭帝始元元年

漢昭帝始元元年

漢昭帝始元元年

漢昭帝始元元年

漢昭帝始元元年

漢昭帝始元元年

漢昭帝始元元年

漢世史

世史正綱卷五

○漢世史

哈佛大學漢和圖書館珍藏印

乙集

孝昭皇帝

諱弗陵武帝子

紀

孝昭皇帝始元元年

燕王旦等謀反赦弗治黨與皆伏誅
遣使行郡國舉賢良問民疾苦

丙

始元二年

封霍光為博陸侯

遣使賑貸貧民種食

詔所貸勿收責除今年民租

以宗室辟彊長樂為光祿大夫

丁酉 始元三年

春二月有星孛于西北

遣使祠鳳凰

書鳳凰始此

冬十一月朔日有食之

戊戌 始元四年

立上官桀孫女為皇后

時帝年十二后年五歲未成人道而遽已

立后無乃太蚤乎是固上官桀之私意亦

光不學之過也

己亥 始元五年

有男子詣闕詐稱故太子據伏誅

封后父上官安為桑樂侯

庚子 始元六年

詔問賢良文學民所疾苦

蘇武還自匈奴以為典屬國

罷榷酤官猶令民自占租

前此榷酤官自釀以賣也至是以賢良文

學言願罷榷鹽酤官其鹽鐵均輸未及施

行惟罷權酷官焉然猶聽民自釀而賣官
定其價每升四錢隱度其所賣之多寡以
取其利也邪後世稅民酒始此

初置金城郡

今河蘭等八州之地

辛丑漢元鳳元年

徵有行義者韓福等至長安

書徵士始此

秋七月晦日有食之既

上官桀與燕王旦通謀反皆伏誅

以韓延壽為諫大夫

書諫大夫始此

壬寅漢元鳳二年

癸卯漢元鳳三年

春正月泰山石自立上林僵柳復起生

書石自立枯木復生始見此

霍光殺少府徐仁廷尉王平左馮翊賈勝胡
仁等所坐輕而皆致於死地以逆光意故
也觀任宣對霍禹大將軍持國權柄殺生

在手手中廷尉李种王平左馮翊賈勝胡及少府徐仁皆坐逆將軍意下獄死可見矣

甲辰漢元鳳四年

春正月帝冠

以王訢為丞相

遣使誘殺樓蘭王

乙巳漢元鳳五年

發惡少年吏告劾亡者屯遼東

冬大雷

丙午漢元鳳六年

以楊敞為丞相

丁未元平元年

減口賦錢什三

春三月有流星大如月衆星皆隨西行

夏四月癸未帝崩于未央宮在位二十三年

霍光迎立昌邑王賀

綱目書光承皇后詔此去之何是時光執朝政事無大小皆專於已皇后乃其女子之子時年十有六歲光欲迎立姑以故事白之使知耳豈出其意哉

六月丙寅昌邑王賀即位

尊皇后為皇太后

壬申葬平陵

天陰不見日月二十餘日

癸巳霍光廢其君歸昌邑

此後世人臣廢立之始嗚呼國家之事孰有大於立君也哉人臣之罪孰有大於廢君也哉人君之尊其在世也猶萬物之有天也其在人也猶衆體之有首也天不可降而為地首不可抑而為足既立為君大

無可廢之理孔子曰忠順不失以事其上霍光此舉忠則忠矣順則未順焉以一時利害論之雖若忠於漢室以萬世綱常論之實得罪於名教原其所失不在於廢之時而在於立之之始王之為王亦既有年矣昌邑去京師亦不甚遠也其為人臧否光略不聞之乎在廷群臣亦無一人知之乎立人以為君將以奉天而子民夫豈細故何不於未迎之先詢問訪察既明既審然後遣使迎之而輕易若是耶既輕易

立之又輕易廢之略不聞有委曲規諫之意眇視其君有如牧豎遂使萬世之下奸雄亂賊藉此以為亂階霍光不得辭其責矣然則伊尹放太甲非歟曰孟子有言有伊尹之志則可無伊尹之志則篡也可者僅可而有所未盡之辭

殺昌邑從官二百餘人

蘇軾曰昌邑王廢則已何至誅其從官二百餘人必其中有謀光者光知之故立廢賀非專以淫亂故也二百人號呼於市曰

當斷不斷此其有謀明矣特其事秘無緣得之著此者亦欲後人微見其意也武王數紂之罪孔子猶且疑之光等疏賀之罪可盡信耶

秋七月迎武帝曾孫病已入即位

宣為孝皇帝

侍御史嚴延年奏光擅廢立無人臣禮

嗚呼延年此奏凜凜然如秋霜烈日作史者謂其奏雖寢朝廷肅然敬憚之嗚呼豈但一時朝廷敬憚之哉千載之下讀之者猶覺其有生氣呂祖謙曰大哉延年之奏

自夷齊之後一人而已信夫

尊皇太后為太皇太后

以蔡義為丞相

立皇后許氏

中宗孝宣皇帝諱曾孫

中漢中宗孝宣皇帝本始元年

以定策功增霍光張安世等封邑田廣明等

俱封侯賜爵

追諡帝大父故太子據曰戾太子大母曰次

夫人父曰悼考母曰悼后置園邑

後世自外入繼正統追謚其本生祖父母
父母始此

配漢本始二年

田延年自殺

延年者建謀廢昌邑者也其有功於宣帝
甚大霍光一言即有可不死之理而延年
所犯至微遽乃自殺豈非天哉

尊孝武皇帝廟為世宗廟所幸郡國皆立廟

庚漢本始三年

霍光妻顯弒皇后許氏

以韋賢為丞相

亥辛漢本始四年

春三月乙卯霍光立其女為皇后

夏四月壬寅郡國四十九處地震山崩二郡壞祖宗廟帝素服避正殿

詔問博聞經學之士

遣使問吏民

人君因災異舉賢求言有矣而遣使問吏民僅見於此

壬漢地節元年

春有星孛于西方

假郡國貧民田

以千定國為廷尉

冬十二月晦日有食之

癸漢地節二年

六司馬大將軍博陸侯霍光卒賜以天子葬具

後世賜大臣以非所當用之禮始此胡寅曰惟名與器君之所司不可以假人死生一理謂死而加以不當用之禮為無害則

生而賜以黃屋左纛亦可乎

以張安世為大司馬車騎將軍領尚書事

以光兄孫山為奉車都尉領尚書事

命御史大夫魏相給事中

給事中名始見此

帝始五日一聽事

五日一視事始此蓋漢無每日常朝之制而朝無定日至此始五日一聽事

甲漢地節三年

膠東相王成以增戶口賜爵關內侯

立子奭為皇太子

丞相韋賢致仕

丞相致仕自賢始

以魏相為丞相丙吉為御史大夫

夏六月京師大雨雹蕭望之上書以為謁者

罷霍禹屯兵

路溫舒上書請寬刑

初置廷尉平

置廷尉平始此

鄭吉破車師因田其地

此屯田之端也至神爵而后始書屯田

乙卯漢地節四年

賜外祖母號為博平君

推恩外祖母始此

詔民有大父母父母喪者勿繇

詔自今子匿父母妻匿夫孫匿大父母皆勿

治

刑以弼教也後世律有所謂親屬相為容

隱者蓋本諸此

霍氏謀反伏誅夷其族皇后王莽氏廢

大統無嫌貳之失而於所生亦極尊崇之道斯言也可以示法萬世矣

殺京兆尹趙廣漢

衛候馮奉世矯發諸國兵破莎車

矯詔出兵始見于此

詔舉通文學者

丁漢元康二年

立婕妤王氏為皇后

詔郡國被疾疫者毋出今年租

帝更名詢

天子更名始見于此

戊午漢元康三年

錄阿保功封丙言等為列侯

錄阿保功始見于此

太子太傅疏廣少傅疏受請老賜金遣歸

請老賜金始見于此

北漢元康四年

詔年八十以上非誣告殺傷人勿坐

求高祖功臣子孫失侯者復其家

書錄功臣後始此

殺斛五錢

書殺賤始此

庚申漢神爵元年

春正月帝如甘泉始郊泰畤

帝自即位至是十有三年矣始郊見何簡

天至此哉嗚呼踐天之位享天之祿而不

思所以報本而反始又何以責諸侯王之

不恭哉

遣諫大夫王褒求金馬碧鷄之神

書遣使求神始此

諫大夫王吉以言不用謝病歸

夏六月有星孛于東方

遣後將軍趙充國擊先零叛羗屯田湟中

書屯田始此

以前將軍韓增為大司馬領尚書事

始祠江海雒水

醉漢神爵二年

春二月甘露降京師

書甘露始此

趙充國振旅自羗中還

書振旅僅見此

以宦者弘恭為中書令石顯為僕射

宦者之設三代以前已有之本以給役而

已武帝遊宴後庭始命以典事然所用者

乃腐刑之司馬遷彼固知道義識古今者

也用之似亦無害然遷不世有後世遂襲

以為故事以國家樞機之任委任昵近其

不至蔽聰明竊威柄也幾希先儒謂宣帝

開三大釁終以亡國用恭顯其一也愚竊

以為宣帝非但用之以亡漢後世因之以

亡人之國也多矣豈但四百年之炎祚哉
恭顯之用史不著其年月無所附繫按蓋寬饒傳有云時方用刑法任中書官則是當在是年殺寬饒之前但不
知在何年月也姑書于此

置金城屬國以處降羗

司隸校尉蓋寬饒奏封事犯時忌被殺

時方用刑法任中書官寬饒奏封事畧曰
方今聖道浸微儒術不行以刑餘為周召
以法律為詩書宣帝以為怨謗下吏寬饒
自到北闕下陳確曰宣帝殺趙蓋韓楊皆
過而寬饒尤為可惜寬饒直箴宣帝用刑

法中書之失使用其言治效當何如也嗚
呼自古人臣為國除弊政銷隱禍而世主
不以為功而反以為罪者多矣豈但一寬
饒而已哉此治日所以常少而亂日多歟
以鄭吉為西域都護

都護之名始此

壬戌漢神爵三年

魏相卒

丙魏齊名而於相之卒不書其官者何相
假許史以為重進之不以其道也其始不

正後雖有他美莫能贖焉嗚呼後之不由
正道以進者可不鑒哉

以丙吉為丞相

益小吏俸

癸亥漢神爵四年

以潁川太守黃霸有異政賜爵并金徵為大
子太傅

刊漢五鳳元年

鳳凰之名載於詩書訄語禮記世之人之
莫有真識其形狀何如者自宣帝即位至

此凡五見矣於是乎以之紀元焉嗚呼鳳
兮鳳兮覽德輝而下之何獨宣帝世之獨
多哉其所謂鳳者果真鳳乎抑鶡鳥之類
乎

春正月帝如甘泉郊泰畤

匈奴亂五單于爭立

冬十二月朔日有食之

殺左馮翊韓延壽

丑乙漢五鳳二年

以故許后季父延壽為大司馬車騎將軍

自是以後將軍司馬之任專以任外戚終
漢之世

詔勿行苛政

丙漢 五鳳三年

丞相博陽侯丙吉卒

以黃霸為丞相

減天下口賦錢

自高祖立口賦法人六十三昭帝既減之

至是又減之漢世惠民之政可謂厚矣

置西河北地屬國以處匈奴降者

丁漢 五鳳四年

匈奴呼韓邪單于稱臣遣弟入侍

北狄稱臣入侍始見于此

初置常平倉賜耿壽昌爵關內侯

大司農中丞耿壽昌請糴三輔近郡穀供

京師省關東漕卒又白令邊郡皆築倉以

穀賤增其價而糴以利農穀貴減價而糴

以利民名曰常平民便之詔賜壽昌爵關

內侯嗚呼自壽昌建斯議之後其嘉惠天

下後世人何啻億兆所謂仁人之言其利

博哉

夏四月朔日有食之

殺揚惲

後世以言語罪人始此司馬光曰以孝宣之明魏相丙吉為相于定國為廷尉而趙蓋韓揚之死皆不厭眾心惜哉其為善政之累大矣

戊辰 甘露元年

春正月郊泰畤

以關內侯韋玄成為淮陽王中尉

淮陽王欽母得幸頗有覬覦太子意宣帝始欲從之而中有所不忍以玄成嘗佯狂讓侯爵於其兄故召拜為淮陽王中尉欲感喻王以推讓之道太子由是安陳瓘謂宣帝用玄成消患於未萌其事豈細

匈奴兩單于皆遣子入侍

鍾簋銅人生毛

甘露二年 營平侯趙充國卒

承平用兵與創業之初亂離之時不同充

國言帝王之師當出萬全此萬世之名言也先儒謂充國不獨為賢將殆可相也

庚午甘露三年

匈奴呼韓邪單于來朝在諸侯王上贊謁稱臣而不名

畫功臣十一人於麒麟閣

後世圖功臣像始此十一人者霍光張安世韓增趙充國魏相丙吉杜延年劉德梁丘賀蕭望之蘇武

以于定國為丞相

詔諸儒講五經同異於石渠閣帝稱制臨決書講經始此亦所謂一道德以同俗者歟增置易尚書春秋三經博士

先是易有施孟書有歐陽春秋有公羊皆立博士至是於易則梁丘書則大小夏侯春秋則轅梁皆立博士

辛未甘露四年

壬申黃龍元年

春三月有星孛于王良閣道入紫微宮

帝寢疾以外戚史高為大司馬車騎將軍蕭

望之為前將軍周堪為光祿大夫受遺詔輔
政領尚書事

冬十二月甲戌帝崩于未央宮在位二十五年

皇太子奭即位是為孝皇帝

尊皇太后曰太皇太后皇后曰皇太后

孝元皇帝諱奭宣帝子

西漢孝元皇帝初元元年

春正月葬孝宣于杜陵

立健仔王政君為皇后

嗚呼此王氏篡漢之基也書其名以著其

禍基之所始夫婦人內夫家其嫁謂之歸
蓋女子生身雖本於父母而成人道則在
於夫婦於家則配父以為母於國則儷君
以為后雖其所生私恩有不可絕者然謂
之外家則其錫予之恩報施之禮則固有
差等降殺而不可以一槩也槩之且不可
况加以厚乎漢承三代禮教廢壞之後閨
門無教養之素為后妃者無不私其外家
始於呂氏而極於王氏其後二家子孫俱
無噍類嗚呼人家不幸生一女子圖數十

年之富貴而滅其自受姓以來千百年之宗祀是豈幸哉後之人何可不戒以公田及苑振業貧民賦貸種食

漢去古未遠其惠民之政書之史冊累累不絕若以公田及苑振業貧民賦貸種食及以禁園與貧民之類其事雖小亦可見當時君臣猶有惠念小民之心後世乃至奪民衣食之地以為苑園劫民耕桑之業以惠權倖何與古相矣邪

夏六月大疫詔振困乏

書大疫始此

詔遣光祿大夫褒等十二人巡行天下

詔議律

律令之設蓋懸法以示人使人知所避而不犯非故欲為是以待天下之罪人如設網羅以待禽也後世之律徃徃文深而義晦比擬之際彼此可以旁通下人不知所守而舞智之吏得以輕重其手誠有如元帝之詔所謂今律煩多而不約自典文者不能分明而欲羅元元之不逮者所謂不

逮者解者謂不逮言意識所不及是也噫
蚩蚩之民不能皆讀律令及其讀之又有
所不逮者則其不幸陷于罪者豈非上之
人之過哉然則後世欲有制律者當何如
亦曰淺易其語顯明其義使人易曉知所
避而不犯可也

甲漢初元二年

春正月帝如甘泉郊泰畤

下蕭望之周堪及宗正更生獄皆免為庶人
隴西地震

立子騫為皇太子

秋七月地復震

書地復震始此

宦者弘恭石顯譖蕭望之令自殺
中書令弘恭死以石顯為中書令

乙漢初元三年

詔棄珠崖郡

丙漢初元四年

丁漢初元五年

以周子南君為周承休侯

夏四月有星孛于參

罷鹽鐵官常平倉

令博士弟子毋置員數民有通一經者復之

戊寅 漢 永光元年

春郊泰時

詔舉質朴敦厚遜讓有行者

己卯 漢 永光二年

以韋玄成為丞相

春三月朔日有食之

天雨草雉鷄生角

雨草鷄變始見于此

庚辰 漢 永光三年

復鹽鐵官

以用度不足限博士弟子員數

辛巳 漢 永光四年

夏六月晦日有食之

石顯譖殺張猛

罷祖宗廟在郡國者

壬午 漢 永光五年

毀寢廟園

河決

癸未漢建昭元年

甲申漢建昭二年

石顯以計殺魏郡太守京房

胡寅曰房學易而不明其義徒以災變占候為事其所為乃徃徃與易悖是不自信其術也故占候前知之學君子不貴焉惟明乎消息盈虛之理語默進退之幾以不失乎時中則易之道也

秋閏八月太皇太后上官氏崩

乙酉漢建昭三年

以匡衡為丞相

陳湯矯制襲斬匈奴郅支單于

胡寅曰古謂大夫出境有可以安國家利社稷則為之蓋本有此命許以臨事從宜特不受專對之詞耳若矯制而行雖有一時之功使者當以矯制請罪有司當以擅命用刑蓋為國以義不以利終不以一時之利亂萬世之法此春秋之旨也

丙戌漢建昭四年

藍田地震山崩安陵岸崩壅水逆流

書水逆流始此

丁亥建昭五年

夏六月晦日有食之

復諸寢廟園

戊漢竟寧元年

匈奴單于來朝

夏五月壬辰帝崩于未央宮離位十六年

復罷諸寢廟園

六月皇太子敕是為即位成皇帝

尊皇太后曰太皇太后皇太后曰皇太后

太后以兄王鳳為大司馬大將軍領尚書事

秋七月葬渭陵

世史正綱卷五

乙集

世史正綱卷六

乙集

○漢世史

孝成皇帝

諱驚
元帝子

丑巳漢孝成皇帝建始元年

春正月丞相御史奏石顯罪惡免歸故郡死
有星孛于營室

司隸校尉王尊劾丞相匡衡阿附石顯

封太后諸弟王崇為安成侯賜譚商立根逢
時爵關內侯

夏四月黃霧四塞

六月青蠅集未央宮殿中

秋八月有兩月相承晨見東方

兩月相承始見此

復周制作南北郊

按周制冬至祀天於南郊之圜丘夏至祀地於北郊之方澤漢承秦後自武帝以來祀天於甘泉祀后土於汾陰至是用匡衡等議始作南郊於長安城之南北郊城之北復古制也

罷甘泉汾陰祠是日大風拔甘泉時中大木

漢建始二年

春正月罷五畤

帝始親祀南郊

自古帝王奉天命居天位必大報天天之尊神曰帝帝固不可以不祀而祀之尤不可以非禮先王制禮有一定之制有一定之位有一定之儀不可以私意更改也郊祀自周之後歷秦及漢祀之不以其禮不以其地也久矣至是成帝始復周制而親祀之其知報本反始之意也歟

減天下賦錢筭四十

三月始祀后土于北郊

立皇后許氏

罷郡國祠五百餘所

辛卯漢建始三年

秋大雨京師民訛言大水至

書訛言如此

帝專委任王鳳策免大司馬車騎將軍許嘉

此策免大臣之始

冬十二月朔日有食之夜地震未央宮殿中

詔舉直言極諫之士

任漢建始四年

罷中書宦官

置尚書員五人

自武帝用司馬遷為中書令宣帝因以授

恭顯國家樞機遂屬之宦官元帝時蕭望

之言武帝始用宦者非古制宜更用士人

元帝不聽至是王鳳欲專內外之政始罷

中書謁者奪其所掌尚書之事而增置尚

書員始以士人為之按尚書之名起於秦

武帝初置四人至是成帝增一人為五五人者常侍曹二千石曹民曹主客曹三公曹也後世尚書分曹始于此夫中書樞機之任罷宦者而用士人掌之使政出于一而權歸于上是固朝廷美事然外戚假此而合內外之權以專國政遂馴致于移國祚其事雖若可喜而實可傷也

以王商為丞相

夏四月雨雪復召直言極諫之士詣白虎殿對策杜欽谷永對策陰附王鳳

秋桃李實

河大決

癸巳漢河平元年

以王延世為河隄使者塞河決

夏四月晦日有食之

復太上皇寢廟園

減死刑省律令

甲午漢河平二年

沛郡鐵官治鐵飛

書金失性始此

同日封諸舅王譚為平阿侯商為成都侯立
為紅陽侯根為曲陽侯逢時為高平侯

紀漢河平三年

春三月犍為地震山崩壅江水逆流

秋八月晦日有食之

詔光祿大夫劉向校中秘書

命儒臣校書始見于此

遣使求遺書

漢以來遣使求書始見于此夫自秦人焚
書之後書籍散亡多矣漢興始收之開獻

書路置寫書官設藏書府稍稍復集至成
帝世又頗散失乃遣謁者陳農求遺書于
天下嗚呼書之在天下乃自古聖帝明王
賢人君子精神心術之所寓天地古今生
人物類義理政治之所存今世賴之以知
古後世賴之以知今者也其述作日多卷
帙浩繁難於聚而易於散苟非在位者收
藏之謹而購訪之勤安能免於喪失哉不
幸而有所散失世之明君良佐咸以斯文
興喪為念設法招求遣使蒐采懸賞以購

之授官以酬之使其長留天地間永為世
鑑以毋貽後時之悔豈不寔歟

劉向奏洪範五行傳論

後世推五行休咎之應其端始於董仲舒
而盛著於劉向此書故紀之歐陽脩曰所
謂災者被於物而可知者也水旱蝗螟之
類是已異者不可知其所以然者也日食
星孛之類是已孔子於春秋紀災異而不
書其事應蓋謹之也以謂天道遠非諄諄
以諭人而君子見其變則知天之所以譴

告恐懼脩省而已矣若推其應而有合有
不合有同有不同則將使君子怠以為偶
然而不懼此其深意也

兩漢河平四年

春正月匈奴單于來朝

三月朔日有食之

丞相王商忤王鳳意詔收其印綬商以憂卒
以張禹為丞相

山陽火生石中改元

書火生始此

丁酉 陽朔元年

春二月晦日有食之

定陶王康來朝遣還國

人君未有繼嗣留親王之繼次者奉藩京師以待皇嗣之生然後遣之國此萬世根本之慮也成帝因共王來朝留之京師且謂之曰我未有子人命不諱一朝有他且不復相見長留侍我矣嗚呼帝為此言其真達死生之變所以為宗廟社稷計也遠矣奸臣樂於乘亂為奸不復顧慮假日食

之咎必欲遣之還國其處心積慮為何如哉後世人主未有繼嗣者宜以成帝為法而不惑於邪臣之言宗社之大幸也

戊戌 陽朔二年

京兆尹王章勸帝退王鳳下章于獄殺之

己亥 陽朔三年

以太后從弟王音為御史大夫

潁川鐵官徒作亂

王鳳死以其從弟音為大司馬車騎將軍

庚子 陽朔四年

夏四月雨雪

辛丑漢鴻嘉元年

帝始為微行

以薛宣為丞相

壬寅漢鴻嘉二年

春三月飛雉集于未央宮承明殿

癸卯漢鴻嘉三年

王氏五侯有罪詣闕謝赦不誅

寵姬趙氏譖廢皇后許氏

廣漢民作亂

甲辰漢鴻嘉四年

秋雨魚于新都

書兩魚僅見此

河水溢

乙巳漢永始元年

封使仔趙氏父臨為成陽侯

諫大夫劉輔諫趙氏微賤不可母天下下獄

論為鬼薪

封太后弟子莽為新都侯

立趙飛燕為皇后

封蕭何六世孫喜為鄼侯

秋八月太皇太后王氏崩

九月晦日有食之

丙午漢永始二年

王音死

星隕如雨

書星隕始此

春二月晦日有食之

王商代音為大司馬

光祿大夫劉向上書論王氏不報

以翟方進為丞相

淳于長以立后有勞賜爵尋封為定陵侯

丁未漢永始三年

春正月晦日有食之

罷南北郊

復秦時汾陰五時

陳留樊並山陽鐵官徒作亂

南昌尉梅福上書論時政不報

戊申漢永始四年

春正月帝如甘泉郊泰畤

三月如河東祠后土

秋七月晦日有食之

配漢元延元年

春正月朔日有食之

帝自即位至是二十有一年書日食者凡

十乙未以後三歲連食又自乙巳至今五

歲連食而是歲乃食於三朝嗚呼天意昭

昭如是而帝尚不悟卒於惑女色以絕嗣

寵外戚以移祚孰謂天道玄遠哉

夏四月無雲而雷有流星東南行四面如雨

書無雲而雷始此

秋七月有星孛于東井

王商死其弟根代為大司馬

故槐里令朱雲請斬張禹帝欲加以罪左將

軍辛慶忌救之獲釋

春秋書救皆褒辭然彼行師以救國人雖

衆而勢則緩此犯顏以觸怒激其機而禍

尤切比而觀之似乎為難

左將軍辛慶忌卒

庚漢元延二年

癸漢元延三年

春正月岷山崩壅江三日江水竭

帝校獵長楊射熊館

壬漢元延四年

癸漢綏和元年

立從子定陶王欣為皇太子

書立兄弟之子為嗣始此

封殷後孔吉為殷紹嘉侯

始以大司馬大司空並丞相為三公

按三公之官虞夏商已有之周官曰立太

師太傅太保茲惟三公漢官因於秦初以丞相御史大夫太尉為三公至是改御史大夫為大司空而以並大司馬丞相為三公哀帝時又罷丞相置大司徒而以之並大司馬大司空為三公嗚呼太尉兵官也御史大夫法官也司徒司馬司空六卿也乃以當論道經邦燮理陰陽之任名不正矣

王莽發淳于長陰事長下獄死

賜廢后許氏死

王莽代根為大司馬

罷刺史置州牧

州牧之名始此

劉歆始定積年日曆法

上古治曆明時之法不詳傳於後世然原其要不過隨時考驗以合於天而已至是劉歆作三統曆始立積年日曆以為推步之準後世因之

甲漢綏和二年

春二月熒惑守心切責丞相翟方進自殺

大廐馬生角

書馬生角始此

三月丙戌帝崩于未央宮

在位二十六年壽四十六

於大行前拜孔光為丞相

樞前拜相始此

昭儀趙氏自殺

太后罷秦時汾陰復南北郊

夏四月皇太子欣即位

是為孝哀皇帝

尊皇太后曰太皇太后皇后曰皇太后

葬延陵

追尊帝生父定陶共王為定陶共皇
五月立皇后傅氏

尊定陶太后傅氏曰定陶共皇太后丁姬曰
定陶共皇后

封丁明傅晏皆為列侯

詔劉秀典領五經

師丹上書請限民名田

令博士弟子父母死予寧三年

後世士子丁父母憂始此

秋七月罷王莽就第

以師丹為大司馬尋以為大司空

九月地震三十餘處

求能浚川疏河者待詔賈讓上三策

詔定世宗為不毀之廟

孝哀皇帝

諱欣成帝從子

乙亥 孝哀皇帝建平元年

春正月隕石于北地十六

以傅太后從弟喜為大司馬

舉孝弟敦厚直言通政事可親民者

策免大司空師丹為庶人尚書令唐林請復

丹爵邑賜丹爵關內侯

傅太后誣故中山王太后馮氏及其弟宜鄉侯參等罪致自殺

丙漢建平二年

春正月有星孛于牽牛

策免大司馬傅喜

罷三公官復以朱博為御史大夫丁明為大司馬衛將軍

乙亥丞相孔光以忤傅太后意策免為庶人朱博以附丁傅為丞相是日有大聲如鐘鳴

殿中

書有聲無形之妖始此

詔共皇去定陶之號立廟京師

尊共皇太后傅氏為帝太太后共皇后丁氏為帝太后

遣王莽就國

罷州牧復置刺史

帝太后丁氏崩

帝用待詔夏賀良等言大赦改元太初更號陳聖劉太平皇帝

秋八月詔罷改元易號事賀良等伏誅
丞相朱博有罪自殺
以平當為丞相

丁漢 延平三年

春三月有星孛于河鼓

以王嘉為丞相

冬十一月復秦時汾陰祠罷南北郊

無鹽危山土起泰山石正

書土起始見于此

輕殊死刑

戊漢 建平四年

春正月大旱

關東民訛言行籌

封傅太后從弟商為汝昌侯

帝寵嬖臣董賢尚書僕射鄭崇諫尚書令趙

昌承旨奏崇罪下獄殺之司隸孫寶明崇寃

詔免為庶人

尊帝太太后傅氏為皇太太后

封嬖臣董賢為高安侯息夫躬孫寵皆列侯

諫大夫鮑宣上書

紀漢元壽元年

春正月朔日有食之

以外戚傅晏為大司馬衛將軍丁明為大司馬驃騎將軍

舊史書用丁傅為大司馬而即繼之以是日日食說者咸謂任用非人而天應之捷如此而杜鄴在當時上書亦云當拜之日晡然日食不在前後臨事而發而此獨書日食於丁傅前者何蓋日食有定數數年前推算者已豫知之矣非桓帝微行而是

日大風拔樹晝昏隋文帝立廣而是日天下地震之比也

皇太后傅氏崩合葬于孝元陵

此後世以妾母合葬大君之始嗚呼為大宗後以承正統非但繼父也亦繼母焉哀帝為成帝後而祖元帝則元后其祖母也尊無二上則所當合葬於元帝者元后也是時元后無恙而傅氏先亡即攘其宅兆而有之嗚呼哀帝於傅太后固若儕於尊矣無乃卑其祖乎

息夫躬孫寵免就國尋伏誅

丞相新甫侯王嘉封還益封董賢詔書下嘉
獄殺之

以孔光為丞相

下司隸鮑宣獄抵以罪太學諸生守闕上書
救之

此後世太學生上書之始

以嬖臣董賢為大司馬衛將軍領尚書事

廟門銅龜蛇鳴

博士弟子秦景始傳浮屠經

此佛書入中國之始

庚申漢元壽二年

春正月匈奴單于烏孫大昆彌皆來朝

夏四月晦日有食之

罷丞相置大司徒

以大司馬大司徒大司空為三公

始以夏官列地官之上

六月戊午帝崩于未央宮在位十六年

太皇太后王氏召王莽屬以兵權

嬖臣董賢伏誅

太皇太后以王莽為大司馬領尚書事

秋七月太皇太后與莽議迎中山王箕子為

嗣貶皇太后趙氏為孝成皇后

徙孝哀皇后于桂宮

追貶傅太后為定陶共王母丁太后為丁姬

莽以孔光女壻甄邯為侍中

孔光承莽意劾奏將軍何武等罪惡

廢孝成孝哀皇后為庶人就其園皆自殺

大司空彭宣乞致仕莽策免之遣就國

九月中山王箕子即位

是為孝平皇帝

太皇太后王氏臨朝稱制

大司馬莽秉政百官總已以聽

葬義陵

孝平皇帝 諱衍 帝從弟

辛酉 漢孝平皇帝元始元年

王莽自為太傅號安漢公

褒賞宗室群臣

夏五月朔月有食之

莽遣使即中山拜帝母衛姬為中山孝王后

始追諡孔子為褒成宣尼公

按孔子卒魯哀公誅之子貢以為非禮平
帝之世政出於王莽奸偽之徒假尊儒之
名以收譽望文奸謀聖人在天之靈其不
之受也必矣有若曰自生民以來未有盛
於夫子者也豈一言行之善而可以節
惠立謚也哉然則不加以謚號將何以稱
曰千萬世之下惟曰先師孔子以見聖人
所以為萬世尊崇者在道而不在爵位名
稱也

壬戌漢元始二年

帝更名衍

王莽請封宗室及功臣後為王侯者百餘人
光祿大夫龔勝太中大夫邴漢自引退

秋九月晦日有食之

亥癸漢元始三年

莽以其女為皇后

莽自殺其子宇

莽滅帝本生母中山孝王后家

莽懲丁傅之橫而滅中山孝王后家獨不
思已家亦后族耶嗚呼不仁之人未有能

怒者也

莽殺汜鄉侯何武故司隸鮑宣等凡不附已者數百人

子甲漢元始四年

莽自號宰衡位在諸侯王上

莽更定官名及十二州界

莽增法五十條犯者徙西海郡

丑漢元始五年

春正月復南北郊始定合祀天地配以高祖

高后

此後世合祀天地之始嗚呼祀天而配以祖考禮也莽欲諂元后而並以高后配享吁后可諂也上帝其可諂乎其無忌憚甚矣

始行禘禮

書禘始此

孔光死

舉天下通知經術本草者

本草之名始見於此

莽諷吏民上書頌德前後四十八萬七千餘

人莽自加九錫

此後世權臣受九錫之始按韓詩外傳曰
諸侯有德天子錫之一錫車馬再錫衣服
三錫虎賁四錫樂器五錫納陛六錫朱戶
七錫弓矢八錫鈇鉞九錫秬鬯
莽發故太后傳丁二塚取其璽綬
後世官府發人塚始此

宗室劉慶上書請令莽攝行天子事

冬熒惑八月中

書星八月始此

十二月丙午莽進毒弑帝

壽十四年

徵宣帝玄孫

謝囂承莽意奏丹書有文曰告安漢公莽為
皇帝

符命之說始于此

莽自攝皇帝稱制

丙漢孺子嬰居攝元年

莽選宣帝玄孫廣戚侯子嬰立為皇太子號

曰孺子時年二歲

尊皇后曰皇太后

宗室劉崇首起兵討莽不克死之
張竦為宗室作奏莽封為淑德侯
莽朝見太后稱假皇帝
冬十月朔日有食之

丁卯漢居攝二年

莽造錯刀契刀以為幣

東郡太守翟義起兵討莽立宗室劉信為天子
子三輔豪傑起兵應之

莽作大誥諭以反位孺子意

翟義與莽兵戰不克死之

戊辰漢初始元年

莽母死不成服

期門郎張充等謀誅莽不克死之

冬十二月莽篡位自號曰新

此秦以後奸臣篡國之始嗚呼有君則有臣是乃天理之本然民彝之自然人道之當然也孔子曰君君臣臣要必君君而臣臣君不足於君臣則輔而助之君不合於君臣則拂而正之苟不至於輔而不可助拂而不可正反乎天理敗乎民彝不成乎

人道不可諉曰君不君而臣可以不臣也
是故君惡必如桀紂臣德必如湯武始可
應天順人而革其命苟君德本無大失徒
以年質之幼藐志趣之未定氣勢之衰弱
欺其孤寡用其智力攘其位而有之是則
所謂亂臣賊子也其處心積慮雖若稱意
於一時實則遺臭於萬世今去莽時一千
四百七十有一年矣讀史者猶切齒垂罵
之不已考其生存享用僅十八年耳其間
憂疑顧慮者恒又半之噫人之生世又何

用圖十數年之快而遺千萬世之臭哉
莽更號漢太皇太后為新室文母

莽改正朔以十二月為正月

莽改是年建丑之月癸酉朔為明年然不
但改月也至於每日十二時亦用丑為首
新莽始建國元年

已巳漢

是時莽即真天子位而國號新矣而猶繫
之漢世史者新不成國無其史故耳按東
漢時張衡條上班史與典籍不合者以為
王莽本傳但應載莽篡事至於編年月紀

災祥宜為元后本紀蓋不予莽之篡漢也
而司馬氏通鑑則以莽接漢紀書之所以
不沒其實馬史綱於歲下之圈外塗以黑
而內書漢號下分註莽之號年明莽雖有
其位而天命人心之在漢者固未嘗改也
庶乎既不予其篡而又不沒其實馬

春正月新莽二月

按莽去年篡位改正朔以建丑月為歲首
既以十二月癸酉朔為正月朔矣而此年
之正月即其二月也而通鑑猶書以為春

正月者不予其改正朔也

莽廢漢孺子為定安公孝平皇后為定安太
后

莽改漢官名

漢宗室劉快起兵討莽不克死之

庚午漢新莽始建國二年

更號定安太后曰黃皇室主

辛未漢新莽始建國三年

莽徵漢龔勝勝死之

河決魏郡

壬申 新莽始建國四年

夏赤氣出東南亘天

書氣亘天始此

癸酉 新莽始建國五年

新室文母王政君死莽合葬于元帝陵而溝

絕之

冬十一月彗星出

甲戌 新莽天鳳元年

春三月晦日有食之

夏四月隕霜殺草木

六月黃霧四塞

前此四十五年黃霧嘗四塞矣至是又四塞焉始終皆為王氏也霧惡氣也而又其色黃蓋昏濁之氣也王氏將敗之兆見于此矣

秋七月大風雨雹

乙亥 新莽天鳳二年

春二月日中見星

五原代郡兵起

丙子 新莽天鳳三年

春二月雨雪深一丈

秋七月晦日有食之

冬十月王路朱鳥門鳴

丑丁新莽天鳳四年

臨淮琅邪及荊州綠林兵起

寅戊新莽天鳳五年

莽大夫揚雄死

嗚呼仕莽之世孰非莽之臣哉而雄之卒

獨以為莽大夫而且書以死蓋槩以夷狄

之臣例之也且雄仕莽僅官中散大夫非

若劉歆輩之列官顯要其失在於作為虛

文以諛莽耳非若嚴尤輩為之作符命設

計謀効勞力也文公先生乃以此大書之

於通鑑綱目何哉春秋責備賢者之義也

蓋雄名為儒者也讀六經孔孟之書明三

綱五常之道以承堯舜禹湯文武周公孔

子之緒作法言將以儼論語作六玄將以

儼周易平日所自負欲為何如人天下後

世將望之以為何如人而乃甘為亂臣賊

子之臣僕哉大賢筆之於書以寓微顯闡

幽之意其垂世戒也大矣然世之人皆明於附篡之臣而不明於仕夷之臣抑又何也愚請因是而論之夫地間無非陰陽之理也君陽而臣陰男陽而女陰中國陽而夷狄陰先儒程氏謂臣居尊位弄莽是也猶可言也婦居尊位武氏是也非常之變不可言也然臣而居尊位婦而竊男權猶吾類也夷狄之居尊位則非我族類矣反天之經亂地之紀敗人之類其為非常之變又豈但婦居尊位而已哉嗚呼仕莽者

先儒既書之以為莽大夫而仕胡者乃以之承道統之傳而列從祀之位彼此相較孰重孰輕必有能辨之者

琅邪樊崇東海刁子都等兵起崇後號

新莽天鳳六年

新莽地皇元年

春二月壬申日正黑

秋七月大風毀莽王路堂

大雨六十餘日

鉅鹿男子馬適求等謀誅莽不克死

卯
庚辰

漢

辛巳 新莽地皇二年

莽子臨謀殺父事覺自殺

南郡秦豐兵起

壬午 新莽地皇三年

春二月關東人相食

蝗飛蔽天

荊州平林兵起

漢長沙定王五世孫續及弟秀起兵興復漢室

冬十一月有星孛于張

帝玄 諱玄 光武族已

癸未 漢帝玄更始元年

春正月漢兵攻莽守將甄阜梁丘賜誅之

新市平林諸將共立漢宗室劉玄為皇帝大

赦改元

帝玄以劉續為大司徒秀為太常偏將軍

昆陽大戰劉秀以數千人大破莽兵四十五

萬是日大雷風雨屋瓦皆飛

帝玄殺大司徒續以劉秀為破虜大將軍

成紀隗囂起兵應漢

公孫述起兵成都

劉望稱帝于汝南

秋九月漢兵入關

漢孝平皇后自焚崩

嗚呼莽之篡漢其子不欲之其女亦不欲之可見天理之在人心者不以漸染蔽固而消蝕之也

天下共誅莽斃其屍

帝玄以劉秀行大司馬事均河北

大司馬秀至河北除莽苛政復漢官名

王郎詐稱成帝子子興稱帝于邯鄲

甲漢帝玄更始二年

大司馬秀斬王郎

帝玄封大司馬秀為蕭王

公孫述稱蜀王尋稱帝

樊崇西攻長安

蕭王秀遣將軍鄧禹入關寇恂守河內

蕭王秀北徇燕趙

世史正綱卷六

乙集

世文正編卷六

